

## Қувайт фотиҳи ёхуд қайта яралиш авлоди



11:30 / 29.03.2021 2093

Ислом уммати — инсоният тарихидаги деярли барча империялар томонидан доимимй равишда ҳарбий ҳужумларга учраган ягона уммат. Ажабланарлиси шундаки, ўша империяларнинг ҳаммаси қулаб, Ислом дини ғолиб бўлиб, даврлар оша яшаб келмоқда. Бироқ Ислом уммати уларга таслим бўлмай, аксинча аввалгидан ҳам кучлироқ бўлиб чиққани ҳикмат соҳиби бўлган Аллоҳ таолонинг Қудратидан ўзга нарса эмас. Дин душманлари ўтган асрда Ислом оламига барҳам бериш учун янги бир жирканчли усул ўйлаб топадилар. Яъни, ҳеч қандай ҳарбий ҳаракатларсиз умматни ичидан хоинларни чиқариш. Тажовузкорлар илк бор Абу Бакр Сиддиқ розияллоҳу анҳу халифалик даврида Исломга тегишли барча нарсани ҳалқа хунук кўрсатиш учун «маданиятлари» номи остида чиққанлар. Ҳақиқатан, аксарият мусулмон аҳолиси Исломдан тоя бошлаган. Масжидлар бўш қолиб, фақат ёши улуғларгина борар, кўпчилик мусулмон ўлкаларда аёллар ҳижобни ташлаган. Бир сўз билан айтганда Ислом уммати таназзулга юз тута бошлаб, ҳалокат ёқасида қоладилар.

Бироқ Аллоҳ таолонинг Қудрати ила ўтган асрнинг олтмишинчи йиллар охири етмишинчи йиллар бошида, бутун мусулмон ўлкаларини ҳайратга

солган Ислом умматининг аввалги шон-шарафини тиклайдиган янги авлод пайдо бўлади. Бу «Қайта яралиш авлоди» деб аталган. Бу авлод форс қўлтиғининг шимоли-ғарбий соҳилидаги бир ўлканинг ёшлари чиқиб, улар сабабли бу ўлка хайрия жамиятига бош бўладилар. Бу Қувайт ўлкаси бўлиб, Ислом оламида саховат кўрсатишда пешқадамлик қиласди. Бу ўлканинг масжидлари баҳодирларни тарбиялаш марказига айлананган. Ушбу юртдан чиқсан, умрини Аллоҳ йўлига сарф қилган, Пайғамбаримиз соллаллоҳу алайҳи васалламнинг динини кенг ёйишда хизмат қилган Ислом тарғиботчиси — Абдураҳмон Сумайт. У сабабли кўплаб африкаликлар Исломга келганлиги учун уни «Абдураҳмон Фотих» деб атаганлар.

Абдураҳмон Сумайт 1947 йили (х. 1366 й.) Қувайтда таваллуд топган. Онаси уни оғир босиқ, тиришқоқ ва илмга муҳабbat қўйган дея таърифлаган. У камгап инсон бўлиб, жамоат намозларини, айниқса, бомдод намозини имкон қадар жамоат билан адо этган. Уни болалигидан бошлаб, жуда кўп китоб ўқиганини таъкидлаб ўтишади. Абдураҳмон газета ва журналларни кўриб қолгудек бўлса, уни олиб йўлда кетаётганда ҳам ўқиб, кўп бора одамларга уриниб кетганлиги учун, отаси уни қайтиб бозорга олиб бормайман деган экан.

Сумайт Ироқ, Британия, ва Канада университетларида тиббиёт соҳаси бўйича таҳсил олган. Ўқиши тамомлаб, Қувайтга қайтиб келади. Лекин унинг турмуш ўртоғи Умму Суҳайб Нурия Муҳаммад Баддоҳ Аллоҳнинг динини тарғиб қилиш учун Шарқий Осиёга кетишини таклиф қиласди. Шу ўринда куёвини яхшиликка бошлаган солиҳа аёл сиймосини кўришимиз мумкин. Бироқ ҳикмат соҳиби бўлган Аллоҳ таоло уларнинг тақдирига ғарбга боришни битиб қўйган эди.

Шундай қилиб шайх Сумайтнинг Африкага саёҳати бошланади. Қувайтнинг собиқ амири Жобир Аҳмадий Сабаҳнинг аёли Абдураҳмон Сумайтга Африкага бориб, унинг номидан масжид қуриб келишини таклиф қиласганда, у буни қабул қилиб, Малави ўлкасига жўнаб кетади. Шайх у ерга бориб, Исломдан хабари йўқ мусулмонларни кўриб, ҳайрон қолади. Ўша пайтда Европадан келган христианлар ва кўплаб бутпарастлар, баъзи мусулмонларни христиан динига ўтказишга эришганлар. Бу кўринишлар Абдураҳмон Сумайтни қийин аҳволга солади. Бу ёш шифокор аёли билан Африкага Ислом таълимотини тарғиб қилишга бел боғлади. Аллоҳнинг динини ёйиш ва хайрия ишларини амалга ошириш учун Африка бўйлаб саёҳат қилишади. Қувайтлик бу ёш шифокор ўзининг фаровон ҳаётидан

воз кечиб, Африканинг Мадагаскар оролининг Антэморо қабиласи яқинидаги Манакара қишлоғига жойлашадилар. Аёли Умму Суҳайб меросдан қолган барча бойлигини Аллоҳ йўлида сарфлашга бел боғлаб, илм олиш борасида бир қанча лойиҳаларни ташкил қилиб, уларни муваффақиятли амалга оширади. Сўнгра шайх Сумайт камбағал бўлган Африка минтақасидагиларга масжид ва мактаблар барпо қилиш мақсадида Қувайт ва Форс қўлтиғидаги саховатпеша инсонлардан хайр-эҳсон йиғиш учун Қувайтга қайтиб келадилар. Сўнгра лойиҳасини кенгайтириб ёлғиз ўзи даъват қилиш билан чекланиб қолмай, Африкада Исломни кенг тарғиб қилиш учун, даъватчилар ва имомлардан иборат бир гуруҳ ташкил қиласди.

Шундай қилиб, шайх Абдураҳмон Сумайт, унинг аёли Нурия Мұхаммад Баддоҳ ва унинг шогирдлари Ислом динини тарғиб қилишда 30 йил вақт сарфлайдилар. Улар Ислом динини етказишида Африканинг тахминан, 40 ўлкасида бўлганлар. Ёши ўтиб, соғлиги ёмонлашган шайх Абдураҳмон Сумайт шифокорларнинг маслаҳатига қулоқ солмай, ўз даъватини давом эттирган. Африкада тоза сув ва электр энергияси йўқ эди. Унинг мақсади Исломни даъват қилиш бўлгани боис, бундай шароитларга эътибор бермаган. Натижада шайх турли касалликларга чалиниб, юрак хуружи туфайли, Қувайтдаги «Муборакул Кабир» шифохонасига ётқизилади. Унинг аҳволи тобора оғирлашиб, кўриш қобилиятини йўқотиб, ҳаракат ҳам қилолмай қолади. Гоҳида ўзига келиб: «Африкадаги даъват ишлари қандай кечмоқда?, Биз барпо қилган меҳрибонлик уйидаги болаларнинг аҳволи қандай?», дея сўрар эди. Шунингдек, Африкадаги мусулмонлар ҳақида сўраганда Кенияга катта марказий масжид қуришга рухсат олишганини хабарини беришади. Севинганидан шайхнинг юзи нурга тўлиб, оғриқдан қийналган овозлари ила Аллоҳга ҳамдлар айтади.

Қувайтлик буюк мусулмон доктор Абдураҳмон Сумайт 2013 йил 15 августда (х. 1434 й. 8 шаввол) бу фоний дунё билан видолашади. Унинг жанозасига келган Қувайт аҳлининг кўплиги сабаб жаноза намозини ўқиганларнинг охири кўринмасди.

Шайх Абдураҳмон Сумайтнинг қўлида қанча африкалик Исломни қабул қилган деб ўйлайсиз?

Бу Қувайт фотиҳининг қўлида 11 миллион африкалик Исломни қабул қилган.

**«Ислом умматининг 100 буюк шахси» асари асосида**

**Хуршид Маъруф тайёрлади.**